

Radunanza extraordinaria dals 5 mai 2014 a las 20.00
i'l restorant Aurora ad Ardez

1. Il president, Daniel Franziscus, cumainza be schlantsch güsta cun la seguonda tractanda.
2. Beat Pfranger e Peider Calglüna vegnan elets sco scrutinadurs.
3. Il protocol da la radunanza extraordinaria dal 2013 vain prelet ed approvà da la radunanza.
4. Mauro Fedi e Benjamin Hartmann han inoltrà la dumonda per dvantar commembers. La radunanza tils accepta sco nouvs commembers cun applaus.
5. Pertocond l'implant da tir Urezzas restarà l'urari da tir quist on uschè sco ils ultims ons. Quai voul dir cha chatschaders tiran be fin a las 20.00 e tregants sün 300 meters fin a las 20.30. Quai our da motivs chi's saja massa tard per müdar quai.
Annetta manaja cha'l motiv cha nus train be fin a las 20.00 sajan ils Frieds chi mainan l'implant. Cha quels nu lessan lavurar uschè lönch e cha pervi da quai sernna l'implant fingià a las 20.00. Quai saja da müdar, els gnian tantüna pajats e gnissan eir pajats fin las 20.30 schi füssan prongs da lavurar plü lönch, agiundscha Peider Claglüna. Plüs chatschaders hajan problems pervi dal sulai d'urari il trar i'l implant da tir Urezzas. La suprastanza es pero da l'avis ch'ün tet giavüschà da tsherts chatchaders saja ün problem da luxus guardond che chi'ns spettaran per investiziuns ils prossems ons, sco per exaimpel il tshüffacullas chi starà gnir sanà. Peider Claglüna es persvas chi douvra alch chi fà sumbriva. Quai vezza el d'urari il trar i'l implant da tir Urezzas. Lapro douvra tenor el uraris sco per quels da 300 meters e forsa amo trais schai bgias inplü, quai pervi cha cul obligatori da la conferma da trar daraja daplüs chi van a trar. Emil Kuen fà attent cha tendas cunter il sulai, sco quellas pels 300 meters, nu mainan bler. L'ideal füssan las tablas per mincha piazza. Quellas füssan eir blerun plü bunmarchadas. Armon Schlegel orientescha cha las societats da Tschanüff e da Murteras hajan decis da far ün implant nouv, pero na da 100 meter dimpersè da 150 meters. Quai saja il seguond da quista lunghezza in Grischun. I füss da verer che svilup chi detta in quella discussiun da las distanzas e cha forsa vaina da far eir amo in quel regard investiziuns o müdadas. Marcel Franziscus disch cha la suprastanza haja surdat al assessur, Arthur Thoma, da verer cun tshellas societats che investiziuns chi'ns spettan e da preschantar noss interess per talas tablas e per ün schlargiamaint dal temp da tir.
6. Las propostas da la suprastanza schlargiada a man da la delegiada a Tavau
 - Nossa suprastanza propuonna pro'l punc 9.1, ils termins da chatscha pel 2015, la varainta ün. La radunanza segua la suprastanza cun 10 cunter 2 vuschs.
 - Per la società nu para insomma ningüna discussiun da sustgnari la parola da l'UDCPG cunter l'iniziativa chi less abolir la chatscha da reducziun. Plüs chatschaders piglian listess il pled per demonstrar quant spinusa cha la situaziun pudess dvantar. Quia be ün per cuorts citats. „In pacs ons füssa darcheu d'ir a cleger sü la sulvaschina. Quist staina sbütta!“ „Nus nu das-chain laschar oura tshertas frasar, eir autras chatschas pudessan esser periclitadas.“ „Il sistem cha nus vain uossa s'ha sviluppà our da 75 ons pratica e nun es be ün schnellschuss.“ „Nus stuvain sajettar ils tshiervis cur chi sun quia. Plü bod tils vaina laschats

ir a crappar. Scha nus tils sajettain in settember o in december - mort es mort.“ „Quai cha nus vain uossa es ün bun sistem.“ La radunanza decida unanimamaing cunter l’iniziativa chid es cunter la chatscha da reducziun.

- La dumonda 9.3, ün augmaint da la cuntribuziun vegn acceptada unanimamaing da la radunanza.
- Cun la dumonda 9.4 da la secziun Sassauna chi less dar liber d’ürant ils ultims trais dis da la chatscha il vadels da tschiervi vain sbüttada.
- Il punct 10, las elecziuns. La radunanza sustegna ils candidats proponüts.
- La radunanza sustegna eir il punc 12 cul nouv reglamaint d’onurari.

7. Sco delegiats per la delegiada dals 24 mai a Tavau as mettan a disposiziun Arthur Thoma ed Armon Schlegel.
8. Program da l’on: Mario Hässig quinta cha in sonda passada haja dat ün di da lavur cumüna cun gronda participaziun, cun 15 preschaints. I saja gnü prestada fich buna lavur e quai in flotta cumpagnia. El nu n’haja pero aposta na preparà ün plan da lavur cun termins fixs cunquai cha quel fögl giarà inamöd directamaing in pigna.
9. Emil Kuen declera cuort ils apparats chi vessan da sculantar la sulvaschina cun ün tschübel davent da l’ur da las vias cur chi vegn la glüm d’ün auto sün quel apparat. Quels apparats funcziunan pero el haja massa pacs dal chantun. Perquai vess el gugent il sustegn da 1’000.- frs. da la società. Our dal ravuogl da la radunanza vegn il votum cha quai nu gaja be per la sulvaschina dimpersè eir per l’automobilist. La radunanza conceda il credit da 1’000.- frs. per quists apparats.
10. Il president orientescha cha’l capo d’Ardez haja planet avuonda d’incendis d’ürant il temp da chatscha. Tals incendis chaschunan in media cuosts d’ot milla francs pel cumün. In avegnir detta in tals cass üna denunzcha pro la pulizia. Il president orientescha eir cha’l tir intern nu vess plü da cumanzar fingià a las 9 dimpersè pür a las 10 e düress eir be fin las quatter invezza da las tschinch. Quai pervi cha l’interess para d’esser fich pitschen ils ultims ons. Singuls votums propuonnan da laschar oura ün on o da strichar dal tuotafat il tir intern. Auters votums, sco quel da Gian Luca, sustegnan il tir intern. Ch’alch melder co uossa nu vaina amo mai gnü e chi saja interessant. Cun 18 cunter üna vusch vegna decis da mantgnair il tir intern pero cun uraris redots sco preschantà da la suprastanza. Guolf Denoth orientescha detagliadamaing, a man da statisticas davart l’andamaint da las dombraziuns e da la chatscha dal 2013. Buna chatscha, bunas cifras e lura amo il luf chi’ns ha fat üna visita dals 20 fin als 25 da marz. Quai saja stat il M32 chi d’eira avant ün on eir i’l Puschlav.
11. Suot Varia quinta il president cha Chasper Buchli sorta da nossa società cunquai ch’el nu saja plü chatschader. Plünavant sajan Marcel Franziscus gnü ellet sco prüm president da la società dal district 9 ed Armon Schlegel sco actuar da la medema società.

Il president serra la radunanza a las 22.23

L’actuar: Armon Schlegel